



Sakspapir

Sakshandsamar	Arkiv	ArkivsakID
Gjermund Hagesæter		20/290

Saksnr	Utval	Type	Dato
114/20	Formannskapet	PS	24.11.2020
106/20	Kommunestyret	PS	10.12.2020

Oppseiing av avtale med Nordhordland legevakt Gjeld vertskommuneavtale om interkommunal legevakt og ØHD i Nordhordland

Vedlegg:

oppseiing NLV 2020

AVTALE VERTSKOMMUNESAMARBEID NORDHORDLAND LEGEVAKT

Saksutgreiing:

Bakgrunn

I kommunestyresak 053/20 vart følgjande vedtatt:

«1.Fedje kommune har følgjande mål for legetenesta på Fedje:

a.Alle kommunen sine innbyggjarar skal ha tilgang på gode allmennlegetenester, tilpassa sitt behov.

b.Kommunen skal ha ei berekraftig legevakt, som ivaretek god kvalitet, forsvarleg arbeidsbelastning og hensiktsmessig organisering.

c.Kommunen må ha gode rutinar for samarbeid med legetenesta og kontinuerleg forbetringsarbeid innan helsetenestene med kvalitetsarbeid og internkontrollarbeid. d.Kommunen skal legge til grunn primærhelsetenestemeldinga og sjå på helsetenestene som heilskap slik at legetenesta vert ein integrert del av helsetenesta på Fedje. e.Uavhengig av val av organisering av ny legeteneste skal den evaluerast innan to år etter oppstart.

2.Fedje kommune arbeider med å få på plass ny legeteneste ut frå følgjande alternativ i prioritert rekkefølge: A.Kommunale legar og kommunal legevakt. B.Kommunale legar og kommunal legevakt i samarbeid med Nordhordland legevakt. C.Kommunale legar og kommunal legevakt i samarbeid med Austrheim kommune. D.Kommunale legar og legevakt i samarbeid med Austrheim kommune. E.Kommunal legesamarbeid med Austrheim kommune og Nordhordland legevakt. F.Kommunal lege og Nordhordland legevakt, utan legevakt på Fedje

3.Rådmannen vert beden om å starte prosessen for å få på plass ny legeteneste i tråd med vedtekne prioriteringar. Før tilsetting vert gjort vert saka lagt fram for formannskapet og kommunestyret for Fedje kommune endeleg vedtak.»

Vedtaket var samrøystes.

Kommunestyret vedtok at kommunen skulle satse på alternativ A). Dette betyr kommunale legar og kommunal legevakt, og at samarbeidet med Nordhordland legevakt vert sagt opp.

Noverande vertskommunesamarbeid om legevakt i Nordhordland og ØHD-senger vart vedteke i kommunestyresak 008/13. Denne avtalen var basert på eit samarbeid om legevakt i Knarvik frå 2007 og framover. Avtalen frå 2013 presiserer at samarbeidet gjeld NHLV (Nordhordland Legevakt), ØHD-



Fedje kommune

senger samt andre eksternt finansierte samarbeidsprosjekt.

Fedje kommune har no ei dobbelordning, der me har avtale om legevakt utanom alminneleg arbeidstid med Ernst Horgen, men der legevakta i Knarvik tar over når han er borte. Me betalar for begge ordningane.

Nordhordland legevakt er anslått å koste kr 1 172 000,- for 2021. Ca. kr. 230 000,- av dette er ØHD senger.

Framlegget i denne saka går ut på at samarbeid om legevakt i Nordhordland og ØHD-senger som vert sagt opp. Alt anna samarbeid, inkludert Region Nordhordland Helsehus IKS, fortsetter som før.

Det er opplyst at avtalen om Nordhordland legevakt har ei oppseiingstid på eit år og at oppseiing går frå år til år. Det vil seie at Fedje kommune har ein tidsfrist til å seie opp Nordhordland legevakt innan årsslutt 2020 med verknad frå 1/1-22.

Vurdering

Oppseiing av Nordhordland legevakt inkludert ØHD senger vil sikra at ressursar vert nytta i Fedje kommune, men vil også gjera oss sårbare dersom rekrutering viser seg vanskeleg eller lege/legar sluttar brått og flyttar frå Fedje fordi ein då ikkje har noko legevaktsamarbeid med andre. Dette alternativet betyr at Fedje kommune skal ha eigen lege på vakt 24/7. Rådmannen legg til grunn at den fordelan det utgjer, kompenserer for den auka sårbarheita som oppseiing av avtalen med Nordhordland legevakt utgjer.

Rådmannen og administrasjonen har arbeidd med denne saka sidan vedtaket vart fatta i kommunestyret, men på grunn av mellom anna sjukdom, har saka tatt litt lengre tid enn me ynskte i utgangspunktet.

Det er framleis ei lita usikkerheit om ein greier å finna dei rette kandidatane. Det er det imidlertid berre ei utlysing som kan gje eit svar på. Til tross for denne usikkerheita meiner rådmannen at saka er moden nok til at ein kan seie opp avtalen med Nordhordland legevakt.

Kjøp av praksisen til Ernst Horgen, jfr sak i dette møtet, vil betra sjansane for å få kvalifiserte legar til å søkja seg til Fedje. Dette gjeld spesielt unge legar.

Kommuneoverlegen har i vedlagte notat vurdert saka. Fordelen er at me frigjer midlar frå der me i dag betalar for to ordningar (legevakt på Fedje og i Knarvik samstundes) som kan nyttast til å sikre lege og legevakt på Fedje 24/7. Det klarar me ikkje om me må halde fram med å betale på vertskommunesamarbeidet også i 2022. Det er ei klar politisk tinging at me ønskjer å få legevakt og beredskap tilbake til Fedje, fordi avstanden frå Fedje til Knarvik er for stor.

Legevaktsamarbeidet har vore eit av dei viktigaste og mest ressurskrevjande samarbeida i Nordhordland utanom IKT-Nordhordland. Rådmannen har i rådmannssamlingar informert om denne saka og opplever at dei andre kommunane i Nordhordland har forståing for at Fedje ønsker å tre ut av dette samarbeidet på grunn av avstandsproblematikken.



Fedje kommune

Kommuneoverlegen har også undersøkt litt om korleis søkjarinteresse for nye legar til Fedje kommune er. Tilbakemeldinga her er at me bør ha gode moglegheiter, men seier at det berre er ei utlysing som vil kunne gje svaret her. På grunn av at prosessen i denne saka har tatt litt lengre tid enn ein i utgangspunktet ynskte, så vil det ikkje vere hensiktsmessig å starta utlysing før i januar 2021.

Til saman vil ei oppseiing som foreslått i denne saka gje ei innsparing på ca. kr. 1 200 000,- pr. år frå og med 1/1-22. Dette er midlar som er eit nødvendig bidrag for å finansiere lege og legevakt i Fedje kommune 24 timar i døgnet, 365 dagar i året. Dette gjer oss i stand til å bygge eit miljø med fleire legar som er tilknytta Fedje kommune, noko som i seg sjølv gjer oss mindre sårbare.

Sjølv om me enno ikkje har alt klart korleis legevakt 24/7 og ØHD-senger skal organiserast i Fedje kommune er rådmannen likevel komfortabel med at dette greier me å få til i løpet av det året me har til rådvelde. Rådmannen ønskjer framover å orientera og forankra dette arbeidet så ofte som mogeleg i formannskap og kommunestyre etter kvart som prosessen finn stad.

Folkehelse: God legedekning i Fedje kommune vil vere viktig for folkehelsa, både for ein heilskapleg helseteneste for innbyggjarane og for akuttberedskapen.

Miljø: Ikkje aktuelt

Økonomi: Det å seie opp avtalen med Nordhordland legevakt vil vere nødvendig for å finansiere lege 24/7 på Fedje.

Konklusjon

Rådmannen rår til at Fedje kommune seier opp avtale om vertskommunesamarbeid om legevakt i Nordhordland og ØHD-senger. Oppseiinga vert sendt innan utgangen av dette året og vil gjelde frå 1/1-2022.

Forslag til vedtak:

Rådmannen rår til at Fedje kommune seier opp avtale om vertskommunesamarbeid om legevakt i Nordhordland og ØHD-senger. Oppseiinga vert sendt innan utgangen av dette året og vil gjelde frå 1/1-2022.

Formannskapet - 114/20

F - behandling:

F - vedtak:

Fedje kommune seier opp avtale om vertskommunesamarbeid om legevakt i Nordhordland og ØHD-senger. Oppseiinga vert sendt innan utgangen av dette året og vil gjelde frå 1/1-2022.

Samrøystes vedteke.



Fedje kommune

Kommunestyret - 106/20

K - behandling:

K - vedtak:

Fedje kommune seier opp avtale om vertskommunesamarbeid om legevakt i Nordhordland og ØHD-senger. Oppseiinga vert sendt innan utgangen av dette året og vil gjelde frå 1/1-2022.

Samrøystes vedteke.